

北洋官報

目錄

宮門抄

奏請○學部奏議覆甯夏將軍等奏滿營學生專習俄文摺
 △農工商部奏順直官紳籌辦林業摺△熱河都統
 廷奏擬添巡防步隊摺△護滇督沈奏籌辦圖書館摺
 公牘○法部咨一件△川督札一件
 文告三則△電報七則△新聞十二則
 彙編○資政院改訂暨續訂院章

本局第一百九期 法政學報 現已出版

宮門抄

七月十四日 外務部 欽天監 侍衛處值日 塔克什訥假滿請 安 葛寶華續假十日 召見軍機

外務部遞封奏二件又代遞李盛鐸奏摺一封劉式訓奏摺一封

奏議錄要

學部奏議覆甯夏將軍等奏滿營學生專習俄文摺

旨議覆恭摺仰祈

聖鑒事本年五月二十七日內閣鈔出甯夏將軍台布等奏滿營學生專習俄

文一片奉

旨學部議奏欽此原奏內稱俄文為甘新兩省必需之學今甘新兩省均將俄文附入高等學堂統

習普通萬難成就擬改為專門庶五年畢業能得辦理俄文之人以為交涉之助甯夏滿營會送學生五名到省肄

業口齒本較甘省俄文學生為優惟功課太多若不專攻俄文將來必至淺嘗輒止現擬咨請陝甘督臣將此五生

作為附課專習俄文不領學堂膏火畢業後祇求能於適用亦不必發給文憑等語臣等查各國方言原屬專門學

問之一種若僅作為普通科目誠如該將軍所言五年畢業後未必即能適用惟習專門者若非先具普通知識則

根柢未立亦難底於大成苟為培養交涉人才計則俄文之外不特修身國文地理歷史等普通學為該學堂所不

可不習即專門之政治法律亦為辦理交涉者所不可缺未可以功課過多為詬病也但原奏所稱該生等畢業後

僅以供繙譯之用且不必發給文憑則為地方急需不求全才起見亦不妨暫予通融擬如所請該學堂滿營學生

准其專習俄文不必習普通學畢業之後不給文憑不請獎勵以昭核實將來必須徐圖進步如再有此項入堂學生仍令兼習普通學庶略通交涉事理於繙譯語言文字發明較多舛誤較少實於邊務有裨所有臣等遵 旨議覆緣由謹恭摺具陳伏乞

皇上聖鑒 奏宣統元年七月初八日奉

旨依議欽此

農工商部奏順直官紳請撥官荒籌辦林業據情代奏摺

奏為順直官紳請撥官荒籌辦林業據情代奏恭摺仰祈

聖鑒事竊臣部於宣統元年閏二月二十七日據順

直同鄉京官翰林院侍讀學士惲毓鼎翰林院侍講學士李士鈞郵傳部左承李焜瀛民政部右丞劉彭年學部右丞孟慶榮候補三品京堂署農工商部左參議誠璋掌山西道監察御史李浚掌遼瀋道監察御史史履晉法部員外郎陳棟棠等呈稱竊維振興實業首重農林順直水旱頻仍民生彫敝非講求農業無以蘇民困而擴利源紳等聯合同志創設畿輔農工學會擬從林業入手先在大宛昌平等屬官山及官荒各地多種樹株逐漸推廣上年呈由順天府奏准於備荒項下每年撥銀一萬兩為本會常年經費業將學會及種樹章程由順天府呈部立案並前往各處調查現據查明京城各門外土城及京西香山左右並後山與健銳營空曠地均係官荒沙礫相雜種樹為宜懇部奏請將土城及香山後山一帶官荒撥歸學會作為種樹之用等情到部臣等伏查開闢官荒興辦林業洵為農政切要之圖該紳等於上年九月間創設農工學會先從林業入手呈由順天府奏請於備荒銀兩項下每年撥銀一萬兩俾充經費奉

旨允准由順天府抄錄原奏呈並該學會種樹章程十條咨送臣部立案現

據呈請將土城及香山後山一帶官荒撥歸該會種樹自係為振興實業開闢利源起見臣部職在提倡除咨商各該管衙門均已准其撥用外自應據實上陳合無仰懇 天恩准撥此項官荒作為該會興辦林業之用以順輿情而裨農政如蒙 俞允即由臣部傳知該紳等欽遵辦理一面行知各該管衙門劃撥此項官荒給領俾令迅速籌辦務收實效於林業前途不無裨益所有順直官紳請撥官荒籌辦林業緣由理合恭摺具陳伏乞

皇上聖鑒訓示謹

奏宣統元年七月初一日奉

旨已錄

熱河都統廷杰奏擬添北路巡防步隊一營摺

奏爲北路防務喫重兵力較單擬再添募巡防步隊一營以資填紮恭摺仰祈 聖鑒事竊查熱河地方遼闊防守極爲重要就現在籌布情形而論承德灤平及近郡各處僅止都標馬步兩營擇要分防東路則雖有五營防隊而地勢延袤每苦不敷分布至又北路兩營駐防於開魯縣一帶毗連沙漠防範亦恐難周兵力之軍已可概見而奴才所汲汲顧慮者尤在西北一路查北路巡防馬步五營在未設防隊新章以前係每營五哨每哨十成之制分防豐甯赤峯及圍場糧捕廳各要害處所已覺鞭長莫及嗣經遵照部章按三哨成營八成分哨新制改編馬步五營營數雖仍同於前兵數實減去其半然仍須飭照原防地面分撥巡防又加以新設之林西縣正在放墾蒙地彈壓巡緝處處需兵以三哨成營之五營設防至二十餘處之多防所相距遠或百數十里近亦八九十里地闊兵單緩急不無可慮矧現在秋防已近伏莽堪虞西北一路尤爲喫重論地論勢似非添練四五營不足厚守防之力備游擊之需無如熱河財力奇艱若驟添多數營隊餉項萬難籌措爲目前補苴之計祇有先其所急擬再添募巡防步隊一營撥填北路以資分紮所需官弁勇丁薪餉查照現行防營章程核定仍於稅捐六成餉械項下動支其置辦軍裝槍械及招募經費併飭由清理財政局設法籌撥統俟成營後核明用款實數及如何籌撥之處一併造報伏念添兵不難難在籌餉以熱河入款有限早已窮於搜羅卽此一營之成亦有捉襟肘見之勢而邊備所係未可後時奴才所爲急於添募者此也除分咨度支部陸軍部查照外所有擬添北路巡防步隊一營大概情形理合恭摺具陳伏乞

皇上聖鑒訓示謹 奏宣統元年七月初十日奉

硃批該部知道欽此

護理雲貴總督沈秉堃奏籌辦圖書館摺

奏爲籌辦雲南圖書館酌擬章程恭摺仰祈

聖鑒事竊據署雲南提學使郭燦詳稱國家富強之原繫乎教育

而教育普及之要端賴圖書環球各國咸於圖館之存佚視文化之消長泰西近世文明始於講明希臘古學而埃及人民之愚弱則因回教徒將其亞力山大港之藏書付諸焚如之故圖書之關乎民智良非淺鮮我國古昔爲維持世道造就人材計無論官私均以廣儲圖籍爲要務官則有秘書天祿金匱石室私則有曹倉鄴架浩如淵海迄我朝乾隆年間 高宗純皇帝頒四庫全書於江浙兩省鎮江則建文宗閣揚州則建文匯閣杭州則建文

瀾閣俾東南人士得有研求樸學之資故其時明經之士良史之才下及金石校勘之學罔不蠶起麟萃彬彬一時斯亦可見圖書之有裨於文化已查學部頒定官制權限及教育會辦法均注意於圖書館又奏定分年籌備事宜清單內載宣統二年各省一律開辦圖書館是此館之設誠未可置為綏圖邇來直隸山東陝西湖南江蘇等省業經先後設立滇省爲古梁州地近數百年間人文蔚起著述亦多各書院所藏圖籍幾與腹省相埒洎乎咸同兵燹以後抱殘守缺學風衰歇難復舊觀若不及早設立則轉瞬軌道交通恐致言論龐雜益啟離經畔道之漸將何以保國粹而進文明現規畫數月漸有端倪特飭學務公所圖書科員紳籌辦圖書館一所將本科所存圖書暨兩級師範學堂所存原日經正五華育材三書院書籍移置其中以爲基礎再添購各種書報俾備觀覽名曰雲南圖書館惟藏儲必須擇地形勢尤貴適宜當茲公帑維艱不敢另請專款大興建築祇有酌量改併遷就騰挪以資部署現擬將方言學堂改辦高等學堂併設於兩級師範學堂新建之堂舍內復將省會中學堂移入方言學堂舊有之堂舍即以省會中學堂騰出之堂舍作爲圖書館基地查該堂原係經正書院背枕陔山面臨翠海地既適中屋宇亦極開敞原有藏書樓數楹可爲藏書之所樓下講堂齋舍亦足敷閱覽各室之用所需開辦暨常年購書等費現無的款應由省會各學堂節省經費項下核實提撥以濟急需惟是創辦伊始圖籍缺乏購置匪易若不兼收博採終難蔚成大觀茲擬仿照直隸省成案凡各省官書局經官審定之圖書爲坊間通行本所無者均請咨明各省督撫飭局每種寄送一份來滇以爲輸入文明之一助謹擬章程三十六條詳請 奏咨立案等情前來臣覆核無異除將章程咨部查核外所有籌辦雲南圖書館各緣由理合恭摺具陳伏乞 皇上聖鑒敕部立案施行謹 奏宣統元年七月初九日奉 硃批該部知道欽此

公牘錄要

法部咨覆大理院盜案新章逐條解釋並通行各直省一體查照文

爲咨覆事京畿科案呈准大理院咨稱查閱法部原奏內稱尋常盜劫情有可原之犯劃分三層一係在外瞭望接遞財物一係被脅同行尚非甘心爲盜一係聽糾止此一次並無執持火器金刃兇惡情狀此三層有一於此卽應免死減等發遣新疆酌撥種地當差惟查康熙以後強盜案件分別正法發遣大都以入室搜贓者爲法無可貸在

外把風接賊者爲情有可原此次新定章程固係規復舊例惟被脅同行及聽糾止此一次兩項是否不論入室在外抑仍以把風接賊爲斷原奏未經聲明無從臆測且強盜案件節次加重同治九年有京城大宛兩縣並五城所屬地方盜劫之案一經審實照律斬決仍加梟示之例光緒十三年有強劫及臨時行強之案但有一人執持鳥鎗洋鎗在場者無論曾否傷人不分首從均擬斬決梟示章程自係與本律相緣一重而無不重今既分別情有可原則遇有京城大宛兩縣行劫案件既不在舊例除筆之內是否仍以尋常盜案論其執持鳥鎗洋鎗行劫之案定章係不分首從此次既照舊分別則遇有首伙持鎗強劫之案而在外者並無金刃火器是否仍以情有可原減等原奏均無明文至發遣新疆一項自同治九年改發內地而後數十年來並未發往原奏並無改發字樣是否因新疆道路疏通嗣後即可徑行陸軍部實發再原奏前節云把風後節云瞭望究竟瞭望與把風有無區別事關變通成例不厭求詳務祈逐條解析迅速見覆以便查照辦理等因前來查本部奏准盜案新章雖本之乾隆年間分別法無可貸情有可原舊例惟其中畫界不同且較舊例辦法略爲加嚴如舊例情有可原者共分三項一係在外接遞財物一係被人誘脅上盜一係行劫止此一次三者截然分立有一於此即准減等並不以在外爲限若此次新章則仿照舊例而略爲變通止以在外入室爲生死關鍵且於在外之犯又分別是否持有火器金刃及是否聽糾一次爲准減不准減之分倘已入室過船雖止聽糾一次固不准減即在外接遞或聽糾二次以上或持有金刃火器亦均不減與舊例辦法實有不同也至同一在外或言把風或言接遞或言瞭望雖字義稍有區別而其爲未經入室過船則一查乾隆二十六年舊例止言在外瞭望接遞財物並無把風字樣即上溯康熙年間成例亦均無把風明文惟嘉慶年間

上諭有向來盜案其僅止聽從接遞及在外把風瞭望者俱聲明情有可原部議免死減等發遣等因從此始有把風之說細繹把風之意蓋含有把持恃強主義於本律強字略近故同治九年修例時遂采取把風二字復載明同惡相濟是其從劫情形較僅止瞭望爲重嗣後成案均專援把風接遞之文即不用瞭望二字矣此次酌量修改兼用舊例把風瞭望名目而以外執持火器金刃者爲把風其止接遞財物者則定爲在外瞭望蓋欲界說明白自不能不略分輕重也至被脅同行與聽糾止此一次均係統承在外瞭望而言若一入室過船即實係被脅亦不在准減之列原奏於聽糾止此一次下即緊接並無執持火器金刃情兇勢惡二句正與

除筆內行劫已至二次數句互文見義因恐泥於舊例不分入室在外特於此處鄭重言之以別於入室搜贓各犯是此項夥盜應仍以外接贓爲斷自屬毫無疑義又查強盜不分首從律有明文從前辦理情有可原各案既與本律不相窒礙則此後辦法於引用新章之外仍得援舊例舊章可知即如京城大宛案件洋鎗案件若訊明在外瞭望接贓之犯並無執持火器金刃及實係被脅同行或止聽糾一次者即應免死減等其爲首與拒捕各項人犯仍當查照例章一體加梟改斬自不待言觀本部原奏京外問刑衙門一語及斷罪輕者依新例行之條似不能拘泥從前加重例章遂於此等情有可原夥盜亦不作尋常盜案論而獨從嚴辦也至發遣新疆一層原奏既未聲明改發字樣自與名例內載明改發內地者不同惟既經貴院咨查誠恐各直省徂於舊例不免疑誤應由本部再行附奏申明以昭畫一茲准前因相應逐條登覆並通行各直省一體查照俾免紛歧可也

川督趙札發勸民醒迷歌文附歌

爲通行札發勸民醒迷歌以警愚頑而申功令事照得邪說之害禍中生民欲祛其惑而絕其源自非先之以剴切之曉諭繼之以嚴密之防範不可自來邪匪憑妖妄以肆煽蠱流毒不可勝數而近年肇釁甚微受禍最烈者尤莫如義合拳紅燈教匪一事迄今言之猶有餘痛川中自壬寅旱荒始亦有紅燈教邪匪之起其初爲外來逸匪所惑其後愚民相繼附和於是資簡犍開各屬先後釀成巨案致煩兵力戡定元氣至今未復各地方官紳團保宜如何懲前毖後嚴密查禁善爲開導以免遺孽復萌乃近日綿州所屬之安縣及龍安府屬之石泉交界等處又有習邪聚衆打教傷人之案雖經派兵擊捕安靜不可不再申警戒查川民浮動最易煽惑而伏莽滋多尤防勾結訪聞他處仍有暗習邪教等事在鄉愚無知自多迷信偶見邪術訝爲神奇聽其煽誘相率崇奉久之陷於逆惡而不自知團保牌甲又復不辨邪正不計利害非坐視緘默即受賄容隱地方文武各官養尊處優平時毫無覺察迨一經舉發或懦怯無能失之姑息或巧猾存心誤於諱飾以致隱患潛滋擾亂治安貽誤大局言之實堪痛恨舊例新章於縱容邪教處分所定綦嚴各處地方官即不爲地方計不爲斯民計亦當爲一己考成計何並不細加檢閱而爲是養癰釀患之舉以自誤誤民此本督部堂所不禁爲愚頑之民痛下針砭而並爲各屬之地方官重加誥誡也茲特撰印勸民醒迷歌一篇通行札發札到立即徧發各處張貼並令宣講生及識字熱心之人無論茶坊酒肆城市村

莊隨地演說或令向業盲詞說書之人編爲唱本務使窮鄉僻壤婦孺皆知愚頑盡曉用資警覺而破沉迷州縣身膺地方民所信仰應於坐堂下鄉隨時將邪教流毒之害 國家禁令之嚴暨從前所發調和民教之各項告示剴切警諭使知警悟一面嚴飭團保甲牌認真稽查如有聚衆傳習邪教邪拳以及畫符唸咒歛錢惑衆圖謀打教滋事種種不法人等據實密稟並許隣右告發即予親往拏辦邪匪行踪雖秘其煽聚情形斷難瞞鄰舍耳目全在牧令督飭有方奉行實力則精神所注邏察所及自可使民迷胥破匪患潛消嗣後各屬遇有邪匪地方官紳果能先事查覺獲辦首要定違迭次 諭旨免其處分並分別優予獎勵如事前既疎於察禁事後又諱飾因循釀成重件官則無論在任去任一體嚴查叅辦團保紳民隱匿者亦按輕重分別懲治決不姑寬至司道府州營務處及各鎮協咸有統轄督率之責均當隨時留心訪察指飭妥辦消息無形以盡職守庶免同干吏議懷之慎之爲此札仰即便遵照切實辦理毋違特札

勸民醒迷歌 哀哉吾民何其愚 愚哉吾民真可哀 義合團與紅燈教 早已屍骨化成灰 無論南省與北省 都恨妖人惹禍災 如何四川愚百姓 還當新鮮鬧起來 鬧起事來送性命 自送自命一可哀 鬧起事來累父母 父母哭啼二可哀 鬧起事來累妻子 妻子離散三可哀 鬧起事來累兄弟 兄弟株連四可哀 鬧起事來累親戚 親戚耗費五可哀 鬧起事來累隣里 隣里驚惶六可哀 自耕自種好百姓 誘他犯法七可哀 幼童婦女有何罪 裝神喪命八可哀 就算暫時逃脫了 家產充公九可哀 早晚還是拏得到 一刀兩斷十可哀 左思右想何益處 爲甚要做這禍胎 只爲無人來解說 一誤再誤真可哀 我爲爾等細品評 長話短說要你聽 皆因你等不讀書 自家心內亂騰騰 皆因你等不看報 現在時勢全不明 皆因你家無教訓 從小放縱沒營生 皆因交往無正人 滿口胡柴沒正經 皆因懶惰受窮困 妄想橫財心不平 一聽邪話便入耳 一學邪事便胡行 家邪自然招外鬼 物必先腐後蟲生 義合團與紅燈教 現形現眼在北京 起初說能避槍砲 又說上體有神靈 聯軍一到天津地 槍砲打來活不成 直隸山東多少股 都被官兵一掃空 那有定砲能不響 那有扇子能生風 那有吞符能使鬼 那有打仗靠唸經 那有紙人與紙馬 那有神將與神兵 那能放火又止火 那能隱身又藏形 陰神童子害得苦 觀

音女子死得兇 只可當做戲法看 那有一點真事情 殺不盡的四下跑 逃到四川換姓名 小者賺你出
衣食 大者害你跳火坑 不說遠的說近的 難道你們記不清 金堂資陽與射洪 犍爲開縣與新甯 不
是習拳在鬧教 便是作亂學紅燈 鬧的也不是一處 到底那個鬧得成 一經官兵來勦辦 性命送在枉
死城 死的多是惡百姓 連累多少好莊農 倒是首犯會逃避 又向別處把人傾 你們應該把他恨 爲
甚拜師拜師兄 你們應該把他躲 爲甚引鬼進門庭 你們應該把他送 爲甚隱瞞不噴聲 要知小小邪
法術 一遇正氣不算數 古今邪教知多少 那有正紳肯相助 起初說是保身家 身破家亡將你誤 槍
砲利害鐵能穿 那有肉身擋得住 任你畫符與唵咒 任你拜神與吃素 霹靂撲通一陣打 如同太陽掃
煙霧 回頭再看安分人 家家安穩度朝暮 獨有你們學拳人 禍到頭來纔醒悟 可哀可哀真可哀 勸
你從今莫發呆 愚哉愚哉何其愚 勸你從今莫糊塗 勸你多聽好演說 莫尋煩惱尋安樂 勸你莫去拜
哥弟 本來無事生閒事 作匪都因哥弟多 人多膽大易著魔 勸你尋件正事作 不受凍來不受餓 農
工商賈最長久 下力也能餬一口 老天不富命窮人 妄想發財枉費神 民教原來是一家 他不管你莫
管他 鬧教無非想橫財 有甚冤仇解不開 殺人燒堂要賠償 空累地方受災殃 調和民教示最明 你
肯思量心自平 你不犯法你就好 何用奸人把你保 平時學習怕人拏 犯事搬逃不顧家 拏他名片去
逃生 都是瞎話把你懵 有人若敢容留你 命也丟來家也洗 如今責重地方官 但有習拳把官拏 鄉
間責重在團保 團保無有不知曉 團保包庇釀出禍 發覺嚴辦難放過 報信捆送不瞞藏 立給重賞面
有光 上下查拏成一氣 看你習拳有何益 我今做此醒迷歌 眼淚都要流成河 同是四川好子民 豈
忍看你火燒身 識字之人細講明 不識字人細心聽 更編鼓詞去唱演 喚醒愚人睜睡眼 一傳十來十
傳百 百傳千萬到處說 從今不聽邪人言 尊君愛親敬皇天 四川本是好民情 快聽良言享太平

文告錄要

直隸法律學堂牌示○照得此次招考錄取學員凡已填寫願書繳納保證金學費者均於十五日授課仰各知照
切切此示

直隸法律學堂榜示○爲榜示事照得補考試卷業經評定甲乙所有正取十九名均限於十二日以前來堂填寫願書交納保証金學費其備取八名如十二日以前兩次正取有未曾填寫願書交納保証金學費缺額時准其挨次補入除將授課日期另行牌示外茲將正副取名次開列於左須至榜者 計開 正取十九名 宗元熙 何蔭南 曾廣乾 高承熙 左人哲 宋玉哲 劉振宗 李位坤 郭炳南 冀贊襄 劉振清 李彬 余靖 史連沅 宋毓璋 梁廷幹 郭儒真 張翼新 梁濬川 備取七名 劉芳林 黃庭傑 陳迺 慷 楊孔祥 張淑梅 郭滌瀛 楊進階

臬台批示○清豐縣民人張文泮來司呈控一案 批案經飭縣傳訊爾應遵批回縣投審不應在省逗遛來轅屢瀆殊屬健訟特飭至所控散役尹佩率衆嚇詐李文一節據呈送府訊明責押姑候飭府另案查覆核奪粘單附○高邑縣民人高善順來司呈控一案 批此案已據該縣錄案詳覆核奪與爾呈詞大相逕庭究竟已故高張氏何人應繼候札飭該管趙州調查縣卷宗圖悉心確核擬議詳覆核奪毋庸砌詞屢瀆仍候行縣知照粘單宗圖附

電報錄要

倫敦電○蘇格蘭蔭葛拉穆街爲商務中心點日前被火焚燬調查焚燬財產約值二十五萬鎊

又電○俄國陸軍擬於西九月在克拉納塞勞地方舉行秋季大操俄皇特請英國陸軍大將漢米洛頓氏觀操聞俄國所請列強觀操員陸軍大將只漢氏一人

又電○西班牙武員有曾封爵者四人稟請西王願自成一軍赴摩洛哥國前敵助戰

又電○土希兩國對於克里德島交涉現已了結英國提議允許該島自治十年俟十年期滿後再商議克里德希

職合辦之法

又電○瑞典國普通罷工之風潮現已平靖該國報紙謂罷工風潮止息一切商務較前尤盛

紐約電○英屬坎拿大政府商議先造巡洋艦數艘魚雷艇潛水魚雷艇各數隻以爲組織海軍之基礎

又電○墨西哥國工人罷工亂黨從中作亂現在兵隊聚集墨國北部聞不日即與亂黨開戰云

新政紀聞

政治

電詢選舉人權限○憲政編查館接湘撫電稱據諮議局籌辦處轉據長沙復選監督汪守稟稱選舉章程第十二條凡辦理選舉人員除監察員外不得與於選舉人及被選舉人之數等語統按前後各條文義似停止選舉被選舉權專指投票時之管理員而言惟語意尙覺渾含而明文則見之館覆稟藩敬電所指不得與選舉及被選舉祇係管理員一項執此互證究竟辦理選舉員可否以投票之管理員爲限抑須將一切辦理選舉如調查所等人員統與停止統停則窒礙甚多祈電咨請示前來乞迅賜核覆當即電覆云豔電悉調查員不在辦理選舉人之列業於五月初九日電復黔撫在案湘省自應一律此覆

電詢當選人員丁憂事○憲政編查館接川督電稱復選舉當選人有初丁母憂距開會未滿百日者應否令其辭職作爲候補當選人祈速示當即電覆云豔電覆丁憂人員毋庸辭職惟未滿百日者或暫不到局議事亦可
 法部講究監獄學○法部爲改良監獄起見選派部員專研究監獄學已與法律學堂商定即於法律學堂內添講習監察學一班專教授部中所派之人云

紀直隸復選當選議員○永平府復選當選議員十名 谷芝瑞 臨榆 胡學海 遷安 范光國 灤州 張炳麟 昌黎 祖興緒 撫寧 張肇隆 樂亭 齊桂棻 昌黎 聶丹書 撫寧 李津舟 盧龍 傅圻

盧龍 順德府八名 韓有仁 平鄉 張廷鈺 南和 張瑞雲 鉅鹿 郝士元 邢台 喬培茂 任

縣 路克讓 邢台 田爾硯 內邱 呂昭祥 唐山 廣平府七名 王庚堂 永年 宋楨 永年 路

爾修 曲周 王培心 雞澤 王寶圭 磁州 鄭長善 邯鄲 張作梅 肥鄉 又復選二名 趙直修

永年 張同佩 磁州 河間府十一名 張汝桐 河間縣 賈文龍 獻縣 劉春霖 肅寧 楊籙之

獻縣 高奎照 交河 張書元 甯津 馬鑠壽 東光 劉祖榜 吳橋 劉鐸 故城 籍忠寅 任

邱 冉漢文 河間 遵化州三名 張鳳瑞 劉際熙 丁宗輝 易州二名 王輔仁 易州 馬汝典

廣昌 深州三名 張凱 本州 王慶麟 安平 田益銀 饒陽 大名府十一名 徐蓮峰 開州 劉

劉

鉞 東明 李培真 長垣 谷連陞 南樂 郭方剛 開州 朱培仁 清平 呼九澤 元城 姬治
元城 張之桂 大名 崔潤之 長垣 王振鐸 長垣 冀州七名 王廷燭 棗強 高俊湧 冀州
李鐸 冀州 董德馨 衡水 劉壽山 南宮 于邦華 棗強 賈玉鐸 武邑 承德府三名 張其
密 平泉州 高錫恩 承德府 羅存瑛 承德府 定州府屬被選議員 王振堯 定州 李清源 深
澤 宋震坤 定州 彭堃 曲陽 么立祥 定州 陳洪範 曲陽

學務

注：籌辦續辦女學○奉天營口官立淑慎女學堂本有師範預備科一班然其年雖稍長而學課程度仍係初級
照章本毋庸附設日前因擬遣撤以節經費刻朱翊周監督以該班女學生就學已有數月之久若竟半途而廢
未免前功盡棄况現爲昌明女學之時多一有學問之婦女即將來多一有教育之保姆已擬設法籌費仍舊留
堂就學矣

師範女學總理有人○贛省林提學使會商議紳擬遵照定章設立官辦女子師範學堂一所所有籌辦一切事宜
亟應妥籌完備以便暑假後擇期招生開辦聞已照會學務公所議紳文法和觀察爲總理

師範學堂考試畢業○湖南常德西路師範學堂優級選科物理化學科甲乙班學生五十三名已屆畢業提學使
吳宗師特委蘇梁兩大令許張兩教員蒞堂會考現已考試九場物理化學物理實驗化學實驗地文通習科倫
理教育心理論理英文日文各科均已考試畢事揭曉之期必不遠矣

軍政

請兵彈壓家族械鬪○福建惠安縣馬冠駿通稟省台文云惠邑地臨濱海山腰一帶獲悍兇橫實爲下游之冠該
鄉莊姓聚族而居煙戶稠密向有大小房之分彼此各分氣類積不相能互鬪之案殆無虛歲皆係敷衍了事從
未嚴加懲治以致益無畏懼竟視械鬪爲尋常之事此次大房莊邁因築屋起釁與小房各糾族內子姪列械爭
鬪搖旗吶喊儼同戰陣兩房各有致斃人命卑職訪聞立即單騎飛馳彈壓解散曲諭萬端詎莊姓恃係族大丁
多刁抗不遵現仍四處糾人尙圖互鬪實屬愆不畏法伏查該鄉蠻悍異常此次互相械鬪已釀多命非示以大

隊兵威不足戢其兇橫之性而無抗官拒捕之虞合亟仰懇憲台咨商提憲派委副參游大員酌帶營勇數百名乘坐兵輪由海邊駛赴該鄉一面卑職會督防勇從陸路馳往兩面兜拿主謀械鬪及在場幫鬪各犯務獲從嚴懲辦以肅法紀而昭炯戒

籌辦八鎮陸軍監獄○鄂督陳制軍近准陸軍部咨湖北第八鎮陸軍成立有年軍容完備亟應遵本部去歲奏准章程開辦陸軍監獄懲治軍事罪犯相應咨請轉飭該鎮統制務於本年內設立以符定章免成缺點昨已札行張虎臣統制遵照迅速籌劃經費建築監獄免干部詰

民事

擬傳鄉警入所練習○奉省營口警兵向由警務傳習所練習後方可站崗近各鄉村巡警亦歸總局節制總巡官因擬傳知鄉村各區長保送警兵入所練習俾得通曉警務規則以後站崗辦事方有條理現已稟詳朱局長一俟批准之後即當傳知送所練習矣

批示調查戶口辦法○皖撫朱中丞批蒙城縣稟調查戶數劃分區段並各員職務銜名稟云查該縣遵辦調查戶口劃分區段選派調查員擔任義務各節辦理尚有秩序所需經費籌定後務速申報備查本年部章僅限查戶惟該縣城廂地方應於查戶之便一並將口數清查以立城廂自治之基礎前據自治籌辦處詳請劃分自治期限清單已將此項列入由本部院批准通飭遵行在案仰巡警道轉飭知照

贛紳請禁米糧出口○贛省米穀僅敷民食今年以鄂省水災來江買米之船絡繹不絕以致米商會議漲價每石將至六千文現經紳商學界於六月二十二日在商務總會開會呈請馮撫禁止米穀出口大致以江右僻居腹地近年生計日艱猶幸出產米穀尚敷民食惟連年鄰省穀價繼長增高商人販運出口絡繹不絕民間枵腹之一空現查早稻減收市價將至六千文向來無此昂貴而秋收尚未分豐歉倘搬運過多以有限之儲蓄應無厭之取求食爲民天甚形惶恐况目前早魃爲虐高原禾苗漸就枯槁備荒之策誠不能不先事圖維紳等目擊情形實屬自顧不暇若不速禁出口聽其竭澤而漁必致饑饉流離災黎滿目對茲荒象深切杞憂擬請即予禁口凡本省地方仍准流通如鄰省有乞糶之文但倉廩有餘亦當篤恤鄰之誼如晚稻得豐收之慶即通行無滯不敢持閉境之談民先足食制貴因時公懇大公祖俯賜察核允准示禁商人販運米穀運出湖口俟收成豐稔即予弛禁

第二十二條 資政院於各省政治得失人民利病有所諮詢得由總裁副總裁劄行該省諮議局申覆

第二十三條 各省諮議局與督撫異議事件或此省與彼省之諮議局互相爭議事件均由資政院核議議決後由總裁副總裁具奏請 旨裁奪 前項核議事件關涉某省者該省諮議局所選出之議員不得與議

第二十四條 各省諮議局如因本省督撫有侵奪權限或違背法律等事得呈由資政院核辦 前項核辦事件若審查屬實照第二十一條辦理

第六章 資政院與人民之關係

第二十五條 各省人民於關係全國利害事件有所陳請得擬具說帖並取具同鄉議員保結呈送資政院核辦

第二十六條 前條陳請事件應先由議長交該管各股議員審查如無違例不敬之語方准收受 其經審查後批駁者在本會期內不得再行投遞或另向他處投遞

第二十七條 資政院於人民陳請事件若該各股議員多數認為合例可採者得將該件提議作為議案其關於行政事宜者應咨送各該衙門辦理

第二十八條 資政院不得向人民發貼告示或傳喚人民

第二十九條 資政院於民刑訴訟事件概不受理

第七章 會議

第三十條 資政院會議時由總裁為議長副總裁為副議長 議長有事故時由副議長代理

第三十一條 資政院常年會自九月初一日起至十二月初一日止其有必須接續會議之事延長會期一個月以內

第三十二條 資政院臨時會於常會期以外遇有緊要事件由行政各衙門或總裁副總裁之協議或議員過半數之陳請均得奏明恭候 特旨召集遵行

第三十三條 資政院議員於召集後應以抽簽法分為若干股由議員互推一人為股長

第三十四條 資政院會議非有議員三分之二以上到會不得開議

第三十五條 資政院會議以到會議員過半數之所決爲準若可否同數則取決於議長

第三十六條 資政院自行提議事件非有議員三十人以上之同意不得作爲議案

第三十七條 資政院於豫算法典及其餘重要議案應先由議長交該管各股議員調查明確方得開議

第三十八條 資政院會議應由總裁副總裁先期將議事日表通知各議員並咨送行政衙門查照

第三十九條 資政院議員於議案有關繫本身或其親屬及一切職官例應迴避者該員不得與議

第四十條 資政院議員如原有專摺奏事之權者於本院現行開議之事不得陳奏

第四十一條 資政院議員除現行犯罪外於會期內非得本院承諾不得逮捕

第四十二條 資政院議員於本院議事範圍內所發言論不受院外之詰責 其以所發言論在外自行刊布者

如有違犯仍照各本律辦理

第四十三條 資政院會議不禁旁聽其有左列事由經議員公認者不在此限 一行政衙門咨請禁止者 二

總裁副總裁同意禁止者 三議員三十人以上提議禁止者

第四十四條 資政院議事細則分股辦事細則及旁聽規則另行釐定

第八章 紀律

第四十五條 資政院議場內應分設守衛警官及巡官巡警聽候議長指揮其員額及守衛章程另行釐定

第四十六條 資政院議員於會議時有違背院章及議事規則者議長得止其發議違者得令退出旁聽人有不

守規則者議長得令退出 其因而紊亂議場秩序致不能會議者議長得令暫時停議

第四十七條 資政院議員有屢違院章或語言行止謬妄者停止到會其情節重者除名

第四十八條 資政院議員無故不應召集或赴召集後無故不到會延至十日以上者均除名

第四十九條 資政院議員有以本院之名義干預他事者停止到會其情節重者除名

第五十條 資政院議員停止到會以十日爲限由總裁副總裁同意行之除名以到會議員三分之二以上決議

行之

海國生春

廣東南海有患左癱右瘓者為韋廉士大醫生紅色補丸所治愈
 中國學堂教職為十五名醫所不能醫治之奇症
 左癱右瘓或四支無力為人身所最險最難治之一種疾病也韋廉士大醫生紅色補丸會經醫治諸多最劇之疾
 癱症是以無論何藥最無有如韋廉士大醫生紅色補丸之神奇者是書因欲刊登各種證書限於篇幅故未能將
 所治左癱右瘓之症悉數盡錄祇得擇廣東南海郭君貞甫之一症而謹錄之因其由中國所治愈為盡人所易
 於訪問而知者也郭君貞甫為廣東南海學堂之教職自述其病狀如左云○余二年前即三十有九歲時左身瘓



廣東南海郭君貞甫患左癱右瘓為韋廉士大醫生紅色補丸所治愈

癱左手左足均各失力瘋症若是之重臥床莫能興起腦筋衰弱時
 發頭如樹葉之被風飄颻不克自持於是延醫診治歷經名醫十有五
 人服藥無算毫不見效祇病覺勢日重絕無復原之望一日余友勸服
 韋廉士大醫生紅色補丸因其曾服是丸而獲益者又承惠贈半打囑
 余嘗試余遂依言服之頓覺身體復原面容轉赤未幾益者又承惠贈半打囑
 手足經過恍惚被電氣所感觸皮膚為新血所潤澤四肢因新血而生
 力從此進步神速面色有康健之形腦筋得復原之力量所以能得此
 快愉之情形者皆韋廉士大醫生紅色補丸所賜之奇功也然常有如
 保證書登簡牘以告世之同病者○郭君之自述病狀如此然常有如
 郭君之疾病為醫生與平常藥餌所莫能療治者韋廉士大醫生紅色

補丸却有奇妙之功用也蓋是丸所以能醫治各疾者以其所施之功由血中而入能使全體皆得有力其名譽為
 天下文明大國所盡知莫不謂其能醫治左癱右瘓 腳氣衝心 豬羊癩癩 腦筋衰弱 少年斲喪 陽萎
 不舉 胃不消化 肝經各病 音痛頭疼 風溼骨痛 山林瘴氣 發熱病後 紅白痢疾 感冒風寒 等
 症之聖藥也 婦女經水不調以及經來腹痛各種雜症一服是丸立能使其月經有序身體健康矣 中國各處
 商店藥局凡經售西藥之處均有代售或直向上海九江路B字第八號 韋廉士大醫生藥局中國總發行處購買
 亦可 價銀每六瓶大洋八元每一瓶大洋一元五角 遠近郵費一律不取

上海九江路B字第八號韋廉士大醫生藥局啟

商務印書館出版各書上海總發行所

中外政法要書
欽定大清會典 十冊 二元二角
欽定大清會典及事例 一百六十六冊 二元二角
大清光緒新法令 十冊 一元二角
列國政要 三十冊 一元
漢譯日本法規大全 八十冊 一元二角
漢譯日本六法全書 一巨冊 一元五角
警察講義錄 十四冊 一元五角

議員必讀

憲政大綱 三冊 一元二角
各省議政局章程 四冊 一元
各省議政局章程要釋 三冊 一元
各省議政局須知 三冊 一元
第一局章程表解 三冊 三角五分
第二局章程表解 三冊 三角五分
第三局章程表解 三冊 三角五分
城鎮鄉地方自治章程 三冊 三角五分
地方自治章程要義 三冊 三角五分
日本議會必讀 三冊 三角五分
日本議會法規 三冊 三角五分
十六國議院典例 三冊 三角五分

各種彩色地圖
 大清帝國全圖 一冊 二元
 大清帝國射圖 一冊 二元
 甲種三國地圖 一冊 一元二角
 大清帝國總圖 一冊 二元
 甲種三國地圖 一冊 一元二角
 甲種東西兩半球圖 一冊 一元二角
 甲種東南兩半球圖 一冊 一元二角
 甲種西北兩半球圖 一冊 一元二角
 甲種東北兩半球圖 一冊 一元二角
 甲種世界地圖 一冊 一元二角
 甲種射圖 一冊 一元二角
 甲種三國地圖 一冊 一元二角

各種雜誌
教育雜誌 每月一冊 每冊一角
東方雜誌 每月一冊 每冊三角
外交報 每月三冊 每冊一角

政法類各書
日本憲法研究書 四冊 一元二角
日本憲法義解 三冊 一元二角
日本預備立憲之過去事實 三冊 一元二角
日本小野探喜平次 一冊 一元二角
政治學 一冊 一元二角
政治史論 一冊 一元二角
日本水電人 一冊 一元二角
右為政治類之書 一冊 一元二角
日本水電重義 一冊 一元二角
日本水電重義 一冊 一元二角
日本水電重義 一冊 一元二角
日本水電重義 一冊 一元二角
日本水電重義 一冊 一元二角
日本水電重義 一冊 一元二角
日本水電重義 一冊 一元二角
日本水電重義 一冊 一元二角

民法原論 一冊 一元二角
行政法各論 一冊 一元二角
民法原論 一冊 一元二角
行政法各論 一冊 一元二角
民法原論 一冊 一元二角
行政法各論 一冊 一元二角

日本憲法研究書 四冊 一元二角
日本憲法義解 三冊 一元二角
日本預備立憲之過去事實 三冊 一元二角
日本小野探喜平次 一冊 一元二角

日本水電重義 一冊 一元二角
日本水電重義 一冊 一元二角
日本水電重義 一冊 一元二角
日本水電重義 一冊 一元二角

日本水電重義 一冊 一元二角
日本水電重義 一冊 一元二角
日本水電重義 一冊 一元二角
日本水電重義 一冊 一元二角

日本水電重義 一冊 一元二角
日本水電重義 一冊 一元二角
日本水電重義 一冊 一元二角
日本水電重義 一冊 一元二角

日本水電重義 一冊 一元二角
日本水電重義 一冊 一元二角
日本水電重義 一冊 一元二角
日本水電重義 一冊 一元二角

日本水電重義 一冊 一元二角
日本水電重義 一冊 一元二角
日本水電重義 一冊 一元二角
日本水電重義 一冊 一元二角

天津分館開設
河北大胡同
電話五百二十六號

天津商務印書館新書出版

新 啟 告廣司公限有灰洋



啟者本公司係承唐山洋灰公司老廠另購外洋最新式機器旋鑿等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北平奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告光顧諸君請向本公司索閱面議一切可也

德律風一千三百零九號

利 達

本行開設天津上海香港志呢華海參歲等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指耳墜鐲子表墜大小八音盒並留聲話匣單雙桶千里眼砒蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行主人啟

瑞林祥元記 綢緞洋貨莊

本號開設北京前門外鮮魚口天津估依街中間路北山東濟南府院西路北自置綢緞紗羅顧繡絨疋布各色喇厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外紳商賜顧移玉是幸

瑞林祥元記具

武 齋 洋 行

本行開設天津 於茲二十餘年 自運各種洋貨 絨紗布匹綢緞 鑲化屏風鏡額 磁銅料器磁藍 奇巧美術玩器 學界文房用品 旋行携帶等件 精工鑲身物料 定織各色磨氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

勸賑隴災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會霽碾伯及各七司又先後報災邊地高寒水泉素乏童山彌望生植不饒一遇旱乾即成凶饉現被災之區草根樹皮掘取殆盡鄉間人口牲畜已多餓斃又漲至每斤二十七文視向來不啻十倍相食之慘窮民紛紛逃糧價日增麥已漲至每石三十六兩稻草已漲至每斤二十七文視向來不啻十倍伏念甘省僻在西陲地瘠民貧蓋藏本鮮此番被災時則三年之久地則數十州縣之廣人則百數十萬之多雖督臣奏上朝廷會撥帑金六萬散諸災區勢難偏給非再有巨款接濟何以西北地方近接強鄰回亂以後元氣未復禍機一發何堪設想今日之救甘民請命敬懇仁人君子慨然解囊量力輸助以便彙寄該省活此窮黎庶幾上紓國愛民之苦心同人復敢為甘民請命敬懇仁人君子慨然解囊量力輸助以便彙寄該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處
北京驛馬市大街恆裕金店
天津獅子林北洋官報總局

津紳籌募甘賑公啟

敬啟者甘省僻處西陲連年苦旱蘭涼各屬被災尤甚今春兼以雨澤愆期荒旱日亟小民賣兒鬻女覓食維艱以至草根樹皮剝掘殆盡人畜餓斃慘不忍聞甘省督藩乞賑各省函電紛馳雖經奏請朝廷發帑賑恤然災區較廣偏給維難凡屬同胞詎宜膜視敬乞樂善大君子酌解囊餘不拘多寡吾人盡一分義務甘民活一分性命蒙允許請將該款送交北門內大宜門西引善社賬房代收擊取收據俟集有成數再由同人登報公布並公同提交甘省籌賑處匯寄災區以資散放甘民幸甚

發起人
贊成人
劉恩渠
胡家祜
蘇景昌
戴元樹
蕭祖燃
徐嘉瓌
吳國蕃
郭漢章

名醫到津廣告

啓者四川曾建侯大令精岐黃歷在鄂豫京奉各局所當差所至俱以醫名屢起沉疴茲來津寓買家大橋福祿棧有患病者幸勿失此機會特佈

錢應彝啓

本局廣告

本局承辦印刷研究
 精良近益不惜重資
 延聘外洋著名工師
 添購新式機器精製
 雕刻銅版所有承印
 各種紙幣股票等件
 圖畫精巧色澤鮮明
 紙質堅緻屢蒙中外
 官商照顧頗加獎
 譽茲為推廣招徠起
 見自本年承印各
 項價目格外減讓以
 副官商雅意如蒙
 賜顧請至本局賬
 房面議可也

本局告白刊例

登一日者每字取洋五釐 三日四釐 七日三釐五 十五日三釐
 一月二釐五 半年二釐 長年一釐五
 以上均按四號字起碼加寬行數照所佔面積計算
 登錄商標刻工另議
 三號字加半倍 二號字加一倍

天津銀號廣告

本銀號代辦直隸公債所有本年宣統元年二月初一日四月初一日六
 月初一日第四年第一第二第三三期應付本利銀兩即係原訂光緒三
 十五年期限業經照數分付廣登廣告各在案茲值本月初四日第
 四期滿給還本利之期凡天津暨各府廳州縣各票主請查照章程第
 七條持票至原借各府廳州縣及各籌款分局核取本利銀兩且期滿之
 票並可任便抵納地丁錢糧鹽課關稅及各項稅捐已詳請督憲照
 奏准章程通飭各屬不准留難需索務即持票兌取現銀毋得自誤再
 有以前到期未經支取各票本利銀兩亦可至原借各處驗票續發特此
 佈告

工商演說廣告

啟者本所前因天氣炎熱暫停演說今已天氣涼爽擬訂於七月十八日
 晚八鐘至十一鐘仍借東宣講所內演說工商各項要理并請韓鏡湖先
 生演說發電機之製造與功用李子鶴先生演說外國貿易金受伯先生
 演說日本商業之現象宋則久先生演說弱肉強食之商業務希 各工
 商屆時 惠臨入聽不取分文特先佈告 天津勸工陳列所啟